

# Powšitkowne WOZJEWJENJA

njedźelu, 9. januara 2022

## Wusyłanje Božich mšow

Serbskorěčne Bože mše móža wěriwi tutu njedźelu, 9. januara, znowa jako livestream w interneće scěhować. Jedne kemše přenjesu so we 8.30 hodź. z Kulowskeje, w samsnym času dalše z Ralbičanskeje jako awdijo kaž tež w 9 hodź. z Chróšćanskeje cyrkwy. Linki na nje su w interneće pod [www.posol.de](http://www.posol.de) a na wosadnych stronach podate.

## Mandźelski seminar

Seminary k přihotej na sakrament mandźelstwa wotměja so stajnje pjatk a sobotu, 11. a 12. februara, 11. a 12. měrca kaž tež 25. a 26. nowembra w Smochčanskim ku-  
blanišću swjateho Bena. Přizjewjenja za seminar w februaru přijimuju so hač do srjedy, 26. januara, ale jeničce online. Link je pod [www.posol.de](http://www.posol.de) wozjewjeny.

## Serbske wukubłanje JULEICA

Worklečanske młodžinske dušepastyrstwo přewjedže za zajimcow klětu nalěto kurs JULEICA. Wobdźělnicy dóstanu kartu, z kotrejž so wokrući, zo su wotpowědny kurs wopytali a sej kmanosće čestnohamtskeho nawjedowanja młodžinskich skupin přiswojili. Přeni džěl wotměje so wot pjatka do njedźele, 11. do 13. měrca, we Worklecach, druhu tohorunja wot pjatka do njedźele, 1. do 3. apryla, w Smochćicach, tam z přenocowanjom. Zajimcy měli so hač do srjedy, 19. januara, online přizjewić. Link je pod [www.posol.de](http://www.posol.de) podaty.

## Jězba w lěću za šulerjow 5. do 8. lětnika

Dekanatne dušepastyrstwo džěci přeprašuje šulerjow 5. do 8. lětnika klětu w lětnich prózdninach na jězbu do Lückendorfa w Žitawskich horach. Wona wotměje so wot pónđzele do pjatka, 15. do 19. awgusta 2022. Swójski přinošk na wobdźělnika wučinja 100 eurow. Přizjewjenja přijimuju hač do njedźele, 30. apryla 2022, ale jeničce online. Link na wotpowědnu stronu je pod [www.posol.de](http://www.posol.de) wozjewjeny.